

INUIT ATAQATIGIIT INATSIARTUNI



UPA2022/56

20. Oktober 2022

Kristian Jeremiassen

Ukioq 2025-imiit nutaamik umiarsuarmik sinersortateqalernissaa siunertaralugu Naalackersuisut pilersaarummik suliaqarnissaannik Inatsisartut aalajangiiffigisassaattutsiunnersuut, taamaasilluni pilersaarut kingusinnerpaa-mik UKA 2023-imi saqqummiunneqassaaq. (Inatsisartunut ilaasortaq Anders Olsen, Siumut)

Siullermeerneqarnera:

Inuit Ataqatigiit pingaartippaat angallannikkut aqqissuussermi imaatigut peqqissaartumik aqqissuusseqqinnissaq, inuiannut tamanut isiginnittumik amerlanerpaanullu iluaqutaanerpaamik umiarsuakkut angallassinerup aqqiiffingineqarnissaa.

Inuit Ataqatigiit arajutsisimangilarput aqqissuusseqqinnermi illoqarfiit nunaqarfiillu umiarsuakkut tikiffingineqartarunnaartut ajornartorsiutinik pilersitsiviusimammata, tamannalu ilinniutigalugu aqqiissuteqarnissamut partiinik tamanik suleqatingiinnissatsinnik piareersimavugut.

Pisariaqarpoq sinersortaatitigut aqqissuusseqqinnermi illoqarfiit nunaqarfiillu ilai tikiffingineqartarunnaarsimasut aqqiiffingineqarsinnaaneri, assersuutitut taariartigit avannaani uummannaq upernavillu unammillernartoqaqisumik angalarnearneq ilungersunartarpoq siunissamilu mittarfissuit Nuummi aammalu Ilulissani naammassineqarpata takornarissat piffinnut siaarnerullugit inuiaqatigiinni tamanut amerlanerpaanut aningaasaqarnikkut aqqiiffingisaria-

INUIT ATAQATIGIIT INATSISARTUNI



qarpagut sinerissamiittut aningaasarsiornikkut periarfissaqaqullugit, tamannalu pisariaqarpat isumatusaartumik imaatigut angallassinissamik isumaqatigiis-susiornikkut.

Talittarfiit mittarfiillu eqqarsaatigalugit

assingiinngitsunik unammillingassaqarpugut, sapaatip akunnera kingulleq sanaartornermut ataatsimiititaliaq Naalakkersuisoq peqatigalugu Air Greenland pulaarparput, uummannamilu angallannikkut ajornartorsiutit assingiinngitsunik aporfeqarsinnaanaanerat assersuusiarineqartoq tikilaassavara. Timmisartukkut ingerlasinnaanngikkaangamik taava imaatigut angallatinik air greenland pissar-siniartarpoq, Qaarsunilu talittarfik taliffingineqarnissaa ajornartorsiutaasarpoq, talittarfeqarnikkullu aaqqiiffingisariaqaraluarami taamaalilluni angallassinissat unitsiinnarneqartarput. Qaarsunut talittarfik taliffingineqarumaneq ajorami naak aaqqinneqaraluarpat aaqqiissuteqartoqarsinnaangaluartoq uummannallu eqqaamiui tamatumuunakkut annertuumik eqqorneqartarput.

Taamatuttaaq Naalakkersuisunut Inuit Ataqatigiit piumasarivaat Diskobugt-imi aasaanerani ukiaaneranilu piaartumik aaqqiissuteqassasut: aasakkut ukiakkullu angalanermi diskobugt-imi innuttaasut ilaaffissaminnut piumassuserinngisaminnik kinguaattoortoqarpat nutaamik billet-mik unnuisarfimmulluunniit inissinneqarnissamik periarfissaqannginnamik, innuttaasunullu tamanna ilungersunarluinnartarpoq naak ukiuunerani aaqqiissuteqarfingineqarlutik angalanissaat nutaamik periarfissittaraat, unnuisarfinnullu inissil-lugit, Naalakkersuisunullu piumasaraarput piaartumik aaqqiissuteqaqqullugit piumassuserinngisamik kinguaattoortoqartillugu innuttaasunut ilungersunartarmat.

Umiarsuartigut angallannermi takorniariaqarnikkut diskobugt-imi pitsaasumik umiarsuakkut angallannissaq qulakkeertariaqarpoq.

INUIT ATAQATIGIIT INATSIARTUNI



Takornarissat ilulissat mit-tarfissuartaarpat siammarnerrullutik nunap sinneranut aaqqiinissaq pisariaqarpoq, annertunerpaamik nunatta iluanarfigissappagu, tamannalu aamma aningaasanik naleqarpoq aningaasaliinerli tassaasarpoq siunissamut ileqqaarneq pitsaasoq.

Inuit Ataqatigiit Diskobugt-imi ukiaanerani mallertarnera pillugu innuttaasunit angalanianit saaffingineqartarpugut qanoq ulorianarsinnaatiginera Qeqertarsuaq aammalu Qasigianguit sarfaq ittummik tikiffingineqartannginneri peqqutigalugit tamanna aaqqiinissamut isumaliutinut ilanngukkusuppaguttaaq, tamakkiisumilli sullissiunnaarnermi imaatigut tamanna ajornartorsiutaasimavoq sulilu ajornartorsiutaalluni. Innuttaasut angalaneranut qulakkiikkamik Qeqertarsuarmut Qasigianguanullu umiarsuaqarnissaa pisariaqarpoq mittarfis-suartaareernerup kinguneranik.

Siunnersuummut taamatut oqaaseqarluta suliassaq manna sanaartornermut ataatsimiititaliamut ingerlateqqipparput Naalakkersuisut allannguutissatut siunnersuutat akuerlutigu ataatsimiititaliamilu sukumiisumik suliarineqarnissaanik Inuit Ataqatigiinniit inassuteqarluta.

Qujanaq.